

## **2002an ADUNA, ALKIZA, ASTEASU ETA LARRAULGO HERRIEN ARTEAN EROSI ZEN ESZENATOKI MUGIKORRAREN ERABILPENA KUDEATZEKO HITZARMENAREN BERRIKUNTZA**

Asteasu, 2021 eko ....aren..... a

Aduna, Alkiza, Asteasu eta Larraulgo udal ordezkariak ahalmen osoa aitortzen diote elkarri zuzenbidearen arabera hitzarmen hau sinatzeko.

### **AZALPENA**

1.- Aipatu udalerriek eszenatoki mugikor bat erosteko eta bera kudeatzeko hitzarmen bat sinatu zuten baina bidean hainbat zalantza sortu dira, batik batik hitzarmen hartan jaso ziren klausula batzuk betetzea ezinezkoa gertatu delako. Honen ondorioz, lau udalerriko alkateok bildu gera Hitzarmenaren atal batzuk berritzeko asmoz.

### **KLAUSULAK**

**LEHENA.-** Hitzarmenaren helburua

Hitzarmen honen helburua da goian adierazitako Udalen artean 2002 an erosi zen eszenatoki mugikorraren erabileraren kudeaketa arauak berri eta eguneratzea.

BIGARRENA.- Eszenatokiaren ezaugarriak. Klausula hau bere horretan mantentzen da. 2020 an berrikuntza batzuk izan ditu, ezaugarriak aldatu gabe ( egurrak eta toldoa berritzea) eta lau udalen artean ordaindu ziren, hitzarmen honen hirugarren klausulan jasotako proportzioan.

HIRUGARRENA.- Jabetza. Klausula hau bere horretan mantentzen da.

Eszenatokiaren jabetza lau Udalena izango da “pro indiviso” moduan, behin bakoitzari dagokion ordainketa egindakoan.

Eszenatokiaren berrikuntzaren aurrekontua 23.982,23 eurotako izan zen, eta ordainketa udal bakoitzak modu honetan bideratu zuen, eta aurrerantzean ere honela egingo da:

- Koste osoaren %50 a Udal guztiek berdin ordaindu beharko lukete. Beste %50 a biztanleagoaren arabera (udal guztien biztanleriak %100 a osatzen badu, Udal bakoitzak dituen biztanleen proportzioan).

Kalkulu hau bera erabiliko da eszenatokiaren mantentzeak, ezbeharrak ( lapurreta, puskatzea) ea... sorrarazitako gastu bereziak ordaintzeko orduan.

Bestalde, berdin banatuko da , inolako diru-sarrerarik sortzen badu edota diru-laguntzarik jasotzen bada.

LAUGARRENA.- Jasotzeko lekua. Idazkera berria :

Asteasuko Udalaren esku geldituko da eszenatokiaren biltokia, berak baitu horretarako leku egokia.

BOSGARRENA.- Kudeaketa arautegia.

- A) Kudeaketaren ardura Asteasuko Udalak hartzen du
- B) Erabilzaile bakoitzak 60 euro ordaindu beharko ditu, eszenatokiaren gastu arruntetarako, Asteasuko Udalak ezik, kudeaketaren gain egiten delako.
- C) Erabilpena printzipioz, jabe diren herriek soilik eramango dute. Beste udalek eszenatokia eskatzen badute, jabe diren udaletako arduradun guztien onespena telefonoz lortu beharko luke kudeaketaren

arduradunak, dagokion baldintzatan baimena emateko. Udala ez diren beste entitate batek eskatuko balu, beti bere herriko udalaren izenean egin beharko du eskaera idatziz.

D) Muntaia eta desmuntaia honela egingo da : herri bakoitzak bere brigadako langile bat izendatuko du. Horrela 4 pertsonako talde bat osatuko da eta horiek izango dira lan horien arduradunak eta eszenatokia behar denero lau herri horietara joango dira.

E) Jabe ez diren beste udalei eszenatokia uztea onesten bada, honako baldintzetan egingo da:

- a. Erabiltze-tasa ordaindu beharko dute : 300 euro
- b. Eszenatokiaren erabilpen egokia bermatzearren, 300 euroko fidantza jarri beharko dute, eraman aurretik.
- c. Eszenatokiaren eskaera egiten dutenean arduradun bat izendatu beharko dute. Pertsona hori arduratuko da eszenatokia muntatu eta desmuntatzeaz eta modu egokian bueltatzeaz ere.
- d. Eszenatokia ez bada modu egokian jasota bueltatzen, Asteasuko udalak fidantza erabiliko du, bere brigadak hura ondo jartzen pasatzen dituzten orduak estaltzeko.

F) Urte amaieran eszenatokiaren erabileragatik jasotzen diren tasen kopuruaren %25 a Asteasuko udalari emango zaio, kudeaketa lanen ordainketa gisa.

G) Printzipioz herri bakoitzeko festa eta aste kulturalak errespetatu beharko lirateke bere erabilpenari dagokionez, honako hau izanik beren egutegia:

Aduna: Abuztuko Ama Birjinetako jaiak

Alkiza: Maria Birjinaren jaiak, irailaren hasiera

Asteasu: S. Pedrotako jaiak

Larraul: San Esteban eta San Bartolome jaiak

Aipatu data hauetaz gain beste eskaerarik balego, beti ere lehentasuna lehendabizi egindakoak izango luke bi eskaera batera suertatuko balira.

SEIGARRENA.- Hitzarmen honetan adierazitako punturen bat ez betetzeak hitzarmen hau eten eta berrikusteko aukera emango du.

ZAZPIGARRENA.- Norbaitek hitzarmen honetatik kanpo gelditu nahi izanez gero, honen berri gutxienez ere hiru hilabeteko aurrerapenez eman beharko luke eta bere ekarpena eta eskubideak galduko lituzke inolako kalte-ordainik gabe.

Beste aldeek hitzarmen hau berrikusi beharko lukete.

ZORTZIGARRENA.- Hitzarmen honek, sinatzen denetik izango ditu ondorioak eta lau parte hartzaileak behartuko ditu.

BEDERATZIGARRENA.- Hitzarmen honen izaera administratiboa litzateke eta bere interpretazioa eta garapena Herri Administrazioen artean egiten diren Lankidetzaren Hitzarmenetako ordenamendu juridiko administratiboak arautuko du.

HAMARGARRENA.- Hitzarmen hau interpretatzeko eta betetzeko garaian sor daitezkeen arazoak Administrazioarekiko Auzien esparruak ezagutu beharko eta erabaki beharko ditu.

Eta dokumentu honetako klausuletan dauden zehaztapenekin ados daudela erakusteko izenpetu egiten dute ale laukoiztuan izenburuan adieraziko leku eta egunean.

ADUNAKO UDALA

ALKATEA

ALKIZAKO UDALA

ALKATEA

ASTEASUKO UDALA

ALKATE ANDREA

LARRAULGO UDALA

ALKATE ANDREA